

生惇知忿很

祝曰惇惡也李賀猛虎行乳孫哺子教得生

切知一作多

辭舌紛嘲啁

祝曰嘲啁鳥聲禮記小者至於燕雀猶有啁噍之頃焉此云嘲啁言不明

也○嘲啁張留切

白日屋簷下雙鳴聞鵯鵊

祝曰鳥名少美長醜江東

呼為鵯鵊嶺表錄異鵯鵊即鵯也

有蛇類兩首

孫曰賈誼新書

孫叔敖為兒出遊歸而不食母問之對曰今旦見兩頭蛇恐死矣

有蟲群飛游

蟲一作蠱

窮冬或搖扇盛夏或重裘颼起最可畏

集注曰嶺南錄異云

嶺嶠夏秋雄風曰颼發日午至夜半止仆屋僵樹甚者颼至互若飛蝶累年一發或歲再三南粵志云風起人心恐懼或

曰風來四面俱足耳番禺雜編云彼人云風未至三日不聞雞犬之聲如有所憂懼也房千里投荒雜錄云南方諸郡皆

有颼風以其四面風俱至也公此詩有是句又縣齋有懷曰雷威固已加颼勢仍相借龍吏詩颼風有時作贈元十八詩

峽山逢颼風皆言其可畏也○颼音具

訇哮簸陵丘

祝曰訇訇大聲選聲

嘯其若振哮永驚